

B
x
4

Datum: 10.03.2022.godine

**PREDSTAVNIČKI DOM PARLAMENTA
FEDERACIJE BOSNE I HERCEGOVINE SARAJEVO**
-n/r g. Mirsad Zaimović, predsjedavajući **PREDSTAVNIČKOG DOMA**

Primijeno: 10-03-2022			
Org. jed.	Broj	Priloga	Vrijednost
01	- 02 -	560	22

PREDMET: Prijedlog Zakona o dopuni Zakona o pripadnosti javnih prihoda u Federaciji Bosne i Hercegovine („Službene novine FBiH“, br. 22/06, 43/08, 22/09, 35/14, 94/15 i 17/22) – skraćeni postupak, dostavlja se

Poštovani,

U skladu sa članovima 163. i 172. Poslovnika o radu Predstavničkog doma Parlamenta Federacije Bosne i Hercegovine, podnosimo **PRIJEDLOG ZAKONA O DOPUNI ZAKONA O PRIPADNOSTI JAVNIH PRIHODA U FEDERACIJI BOSNE I HERCEGOVINE – skraćeni postupak.**

Predstavnički dom Parlamenta Federacije je na 29. redovnoj sjednici održanoj 24.01.2021. godine prihvatio tekst Prijedloga zakona o izmjenama zakona o pripadnosti javnih prihoda u Federaciji Bosne i Hercegovine, a Dom naroda ga usvojio na svojoj 17. sjednici, dana 17.02.2022. godine. Izmjenama Zakona je promjenjen pripadajući koeficijent za Kanton Sarajevo, a imajući u vidu da je navedeni Zakon stupio na snagu u ovoj kalendarskoj godini i da iz tehničkih razloga zbog člana 12a. nije moguće provoditi predmetnu izmjenu, u parlamentarnu proceduru dostavljamo **PRIJEDLOG ZAKONA O DOPUNI ZAKONA O PRIPADNOSTI JAVNIH PRIHODA U FEDERACIJI BOSNE I HERCEGOVINE** kojim se tehnički omogućava provedba prethodno usvojenih izmjena u toku kalendarske godine.

Prijedlog zakona se dostavlja na službenim jezicima i pismima Federacije Bosne i Hercegovine u printanoj i elektronskoj formi.


S poštovanjem,

ZASTUPNICI U PREDSTAVNIČKOM DOMU:

Salko Zildžić(SDA)



Marijan Klaić (HDZ BIH – HNS)



Na osnovu člana III. 1. tačka c) i IV. A. 20. (1) j) Ustava Federacije Bosne i Hercegovine Predstavnički dom Parlamenta Federacije BiH na svojoj sjednici održanoj dana _____ 2022. godine, donosi

**ZAKON O DOPUNI ZAKONA
O PRIPADNOSTI JAVNIH PRIHODA U FEDERACIJI BOSNE I HERCEGOVINE**

Član 1.

U Zakonu o pripadnosti javnih prihoda u Federaciji Bosne i Hercegovine („Službene novine Federacije BiH“ br: 22/06, 43/08, 22/09, 35/14, 94/15 i 17/22) u članu 12a. iz stava (2) dodaje se novi stav (3) i glasi:

„(3) U slučaju izmjene formula iz ovog zakona, izuzetno od stava (2) ovog člana, Federalno ministarstvo finansija može u toku godine donijeti propis kojim će se odrediti pojedinačna učešća kantona, jedinica lokalne samouprave i nadležnih javnih kantonalnih ustanova za ceste u prihodima od inidirektnih poreza i način raspoređivanja tih prihoda za preostali dio tekuće godine.“

Član 2.

Ovaj zakon stupa na snagu osmog dana od dana objavljivanja u ”Službenim novinama Federacije BiH”.

**BOSNA I HERCEGOVINA
FEDERACIJA BOSNE I
HERCEGOVINE PARLAMENT FBIH
PREDSTAVNIČKI DOM**

Broj;
Datum;

PREDSJEDAVAJUĆI

Mirsad Zaimović

OBRAZLOŽENJE

I – USTAVNI OSNOV

Ustavni osnov za donošenje ovog zakona sadržan je u članu III. 1. tačka c), koji je izmijenjen amandmanima VIII, LXXXIX i CVI, i članu IV. A. 20. (1) j) Ustava Federacije Bosne i Hercegovine, prema kojem je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostala ovlaštenja predviđena Ustavom, odgovoran je za donošenje zakona o osiguranju potrebnog finansiranja.

II – RAZLOZI ZA DONOŠENJE ZAKONA

Ustavom Federacije Bosne i Hercegovine propisano je da će Federacija BiH osigurati primjenu najviših standarda međunarodno priznatih prava i sloboda, a između ostalog i pravo na jednakost pred zakonom. Primjenom postojećih kriterija za raspodjelu javnih prihoda u Federaciji BiH građanima u svim kantonima u Federaciji BiH nije osigurana jednakost pred zakonom. Uvođeni su dodatni ponderi u sistem raspodjele javnih prihoda čime su određeni kantoni u startu privilegovani, dok su drugi kantoni na taj način dovedeni u diskriminirajući i neravnopravan položaj.

Imajući u vidu činjenicu da se donosi godišnje Uputstvo o raspodjeli kako i sam Zakon o pripadnosti javnih prihoda u Federaciji BiH zahtjeva u svom članu 12a. stava (2), a da se ovaj zakon usvaja i primjenjuje u toku ove 2022. godine, predložena je dopuna člana 12a. na način da se omogući donosiocu ovog propisa da za 2022. godine donese novo Uputstvo sa izmjenjenim učešćem raspodjele za kantone, obzirom da se ovim zakonom mijenja sama formula.

Usvojenim prijedlogom Zakona propisuje se da koeficijent za Kanton Sarajevo iznosi 1,5 (umjesto 1,9658) što bi prema proekcijama prihoda Kantonu Sarajevo smanjilo prihode za ovu godinu za otprilike 86 miliona KM ali s druge strane taj iznos bi se rasporedio na ostale kantone u skladu s kriterijima (brojem stanovnika, površini kantona itd.). Međutim, dok ne stupi na snagu predloženi Prijedlog Zakona o dopuni nije moguća implementacija Zakona zbog navedenog člana 12a. Nakon što Prijedlog dopune Zakona stupi na snagu Kanton Sarajevo će mjesečno prihodovati cc 7,1 milion KM manje.

III – OBRAZLOŽENJE POJEDINAČNIH RJEŠENJA

Član 1. - Ovim članom se dopunjuje član 12a. čime se omogućava provedba izmjene zakona o pripadnosti javnih prihoda kojima je promijenjen koeficijent za Kanton Sarajevo.

Član 2. – Ovim članom se određuje stupanje na snagu ovog zakona.

IV – FINANSIJSKA SREDSTVA ZA PROVEDBU ZAKONA

Za provođenje ovog zakona nisu potrebna dodatna finansijska sredstva u Budžetu Federacije BiH, dopuna zakona ima uticaja na prihode kantona.

Izjava o fiskalnoj procjeni daje se u prilogu na Obrascu IFP-DA.

ČLAN ZAKONA KOJI SE DOPUNJUJE

Član 12a.

- (1) Izračun učešća iz čl. 9. i 12. ovog zakona vrši se svake godine prema formuli:

$$\text{Godina } X(i) = b(i)$$

Pri čemu je :

X(i) – udio koji općina kantona ima u iznosu sredstava određenom za općine/kantone prema stavu 1. člana 6. ovog zakona;

b(i)- udio koji određena općina/kanton ima u iznosu sredstava određenom za općine/kantone nakon primjene formule iz čl. 9. i 12. ovog zakona.

- (2) Federalno ministarstvo finansija za izradu formule iz stava (1) ovog člana donijet će propis kojim se određuje pojedinačna učešća kantona, jedinica lokalne samouprave i nadležnih javnih kantonalnih ustanova za ceste u приходима od indirektnih poreza i način raspoređivanja tih prihoda na godišnjem nivou.

